

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ


ДОМ НАРОДА
ПРЕДСТАВНИЧКИ ДОМ
Зajедничка комисија за одбрану и безбједност
Босне и Херцеговине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM
Zajednička komisija za odbranu i sigurnost
Bosne i Hercegovine
Zajedničko povjerenstvo za obranu i sigurnost
Bosne i Hercegovine

Broj: 03/1-50-14-7-7 /24
Sarajevo, 17.01.2024.



ČLANOVIMA ZAJEDNIČKE KOMISIJE ZA ODBRANU I SIGURNOST BiH:

JASMINU IMAMOVIĆU, MARINI PENDEŠ, RADOVANU KOVAČEVIĆU, ĐARKU BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Informacija o učešću članova Zajedničke komisije za odbranu i sigurnost BiH na zajedničkom sastanku parlamentarnih radnih tijela iz oblasti sigurnosti, Banja Luka, 5. 12. 2023.

Članovi Zajedničke komisije za odbranu i sigurnost BiH Sredoje Nović, Sanja Vulić, Zdenko Čosić i Slavko Matić učestvovali su 5. 12. 2023. u Banjoj Luci na zajedničkom sastanku parlamentarnih radnih tijela iz oblasti sigurnosti. Sastanak je održan u Narodnoj skupštini Republike Srpske u organizaciji skupštinskog Odbora za sigurnost, a uz podršku Razvojnog programa Ujedinjenih naroda (UNDP). Na sastanku su, osim članova Zajedničke komisije za odbranu i sigurnost BiH, učestvovali i članovi Zajedničke komisije za nadzor nad radom Obavještajno-sigurnosne agencije BiH, članovi Komisije za sigurnost Predstavničkog doma Parlamenta Federacije BiH kao i članovi Odbora za sigurnost Narodne skupštine RS-a.

Tema sastanka bila je aktuelna sigurnosna situacija u Bosni i Hercegovini. Tokom sastanka, koji je ocijenjen kao veoma koristan i neophodan za jačanje dijaloga i međusobnog razumijevanja, aktuelna sigurnosna situacija u BiH ocijenjena je zadovoljavajućom.

Konstatirano je da su najveće sigurnosne prijetnje organizirani kriminal i korupcija, sajber kriminal, migratska kriza, problem s nedovoljnim brojem graničnih policajaca, te odlazak državljana BiH na strana ratišta. Sa žaljenjem je konstatirano da jezik mržnje izaziva osjećaj nesigurnosti kod građana, posebno kod mladih ljudi koji odlaze iz Bosne i Hercegovine.

Istaknut je značaj preventivnog djelovanja nadležnih policijskih agencija na svim nivoima s ciljem zaštite svakog građanina. Posebno je naglašen značaj harmonizacije zakonskih rješenja i unapređenje zakonskog okvira za rad sigurnosnih i policijskih agencija, te nastavak dijaloga s ciljem jačanja međusobnog povjerenja i razumijevanja.

Član Zajedničke komisije za odbranu i sigurnost BiH Sredoje Nović je istakao da su sastanci u ovom formatu izuzetno bitni u jačanju međusobnog povjerenja jer, kako je rekao, sigurnost jedne zemlje nema cijenu. Prema riječima Novića, građane s pravom brine korupcija, koja je jedan od gorućih problema društva. Zbog toga je, rečeno je, potrebno analizirati rad tužilaštva i policijskih struktura, te postaviti pitanje odgovornosti.

Članovi Zajedničke komisije za odbranu i sigurnost BiH Slavko Matić, Zdenko Čosić i Sanja Vulić također su pozdravili ovaj format dijaloga, te su pozvali na nastavak ovakve prakse, a sve s ciljem izgradnje međusobnog povjerenja i boljeg razumijevanja parlamentaraca na svim nivoima vlasti.

Na sastanku su prezentirani Projekat jačanja kapaciteta sajber sigurnosti u BiH, kao i Projekat u oblasti malog oružja i lakog naoružanja (SALW), koje u Bosni i Hercegovini realizira UNDP.

Učesnici sastanka usaglasili su se da domaćin narednog sastanka parlamentarnih tijela Bosne i Hercegovine koja nadziru sektor sigurnosti bude Zajednička komisija za odbranu i sigurnost BiH.

